

# Radunanza Generela 2014



**Mardi, 1 avrigl 2014, restorant Lupo, Zuoz**

## 1. Salüd

Marco Crameri salüda a tuot ils commembers ed evra la radunanza generela 2014 a las 19<sup>00</sup>.

Marco dumanda a tuots ils preschaints ün mumaint da silenzi in algordaunza da nos camarat Giovannin Nuotclà.

Sun giavüschos müdamaints tar las tractandas?

S-chüsos:

Peider Gotsch, Marina Hosang vegn pü tard, Florio Tognoni

Preschaints: 11 commembers

## 2. Tscherna da duos scrutinadurs

Scrutinadurs nu sun gnies tschernieus ingün.

## 3. Protocol da la radunanza generela 2014

Il protocol as pudaiva guardar ouravaunt sün nossa pagina d'internet.

Remarchas pervi dal prorocol nu do que ingünas e vegn accepto unanimamaing.

## 4. Rapport annuel dal president

Nossa stagiun ho cumanzo cun la radunanza generela, ün per dis zieva vains piglio in funcziun l'implaunt da tir. (Cunagia il restaurant e tuot il rest, pür zieva vains pudia cumazer a trer).

Nus vains piglio part a nos tirs üsitos scu al tir individuel e la maistraunza da gruppa a San Murezzan cun la partecipaziun al finel a Cuira, aint in la categoria A, Tiro d'apertura a San Carlo, ed oters.

Nus vains mno tres il tir champester gio l' implaunt suot arivas, e nos camerat Gian Carlo Rüegg ho pudia piglier adöver da sia posizun chasema, ed ho raggiunt la 2 piazza.

Inpü sun gnies mnos tres nos tirs interns scu la pardunaunza, tir d'amicizcha cun S-chanf. La Pardunaunza ho guadagno Angelina Plebani tal püt tradiziunel e Marco Crameri tal püt premi, ed il tir d' amicizcha ho guadagno Heinz Thomas.

Tal inscunter cun Puntraschigna nu's as sto crai pü manzuner cha Puntraschina ho gia darcho guadagno.

Natürelmaing vains piglio part ad ün tir chantunel e que gio il Jura, eir tar quist tir vains pudia festeger buns resultats, scu que da Gian Luca Palmisano chi ho raggiunt la 9evla piazza scu "vandscheder da la festa" illa categoria juniors cun arma d' ordonanza e 7evel aint il püt Juniors, la 16evla piazza da Daniel Steger aint il "Nachdoppel" da la categoria A, Gian Carlo Rüegg e Marco Crameri aint il püt "Les Rangiers" respectiv 58 e 59 puncts. Cun la societad vains raggiunt aint il tir da concurenza da secziuns la 138evla piazza da 280.

Al finel da las maestraunzas dal circol ho Gian Carlo Rüegg raggiunt la 2 piazza aint in la categoria D in 2 posizuins, Mario Feuerstein da sia vart la 4 Piazza aint in la categoria standard, Daniel Steger es gnia 3 in buttatscha.

Glivro nossa stagiun da tir vains scu adüna cun üna buna tschaina e scumpartiziuns da premis. Quista vouta deirans tar Nino aint il restorant Walther a Zuoz, inua cha vains pudieu giodair in cumpagnia. Il programm annuel 2013 ho guadagno glistes trio scu l' an passo ma stüert in tuorn dad 180 gros que voul dir Daniel Steger ho guadagno aunz Mario Feuerstein e Marco Crameri sün terza piazza.

Quist rapport es mia prüm e speresch da na avair schmancho qualchün o qualchosa, scha füs il cas fe il bain da der part usche cha as po agiundscher.

Eau vuless ingrazcher a mieus camerads da la suprastanza ed eir a Peider Gotsch per lur agüd.

Grazcha per tuot!

Marco Crameri

## **5. Rapport dal chaschier e dals revisurs da quint**

*Mario Feurstein preschainta il rendaquint finel per l' an 2013*

*Ils revisurs Jolanda Jäger e Gian Reto Sonder propuonan dad aczepter il rendaquint finel e la revisiun da quints vegnan aczeptos unanimamaing.*

## 6. Cuntribuziun annuela 2015 / predschs muniziun 2015

contribuziun annuela	Fr. 25.--
(per giuvens tregants, giuvenils e veterans)	Fr. --.--
licenzcha	Fr. 25.--
muniziun	Fr. -.50
(giuvens tregants)	Fr. -.40

Tuot quels chi tiran afin il program annuel clappan inavous Fr. -.10 per tun.

## 7. Program annuel 2014

Eir quist an tira la societad da tregants S-chanf a Zuoz. Adüna in marculli saira a partir da las 18<sup>30</sup>, a nus sto scu adüna liber dad ir a trer quella saira.

La mappa cotschna preparains per la prüma saira da tir.

Per plaschair guarder da tegner aint ils termins e bütter aint ils fögls implieus our complett (allmain nom e suotascriptiun) a temp.

Tirs cha nu vais avaunt da trer, as po bütter aint il fögl vöd eir gia uossa. Quels fögls sun marcos e nus savains da chi cha rivan.

### Preparer l'implaunt

In sanda 5. Avrilg preparains l'implaunt. Nus füssans grà, scha füss auncha ün u l'oter chi gniss a güder.

### Tiro d'apertura a Brusio e Poschiavo

In venderdi e sanda, ils 4. e 5. avrigl vess lö il tiro d'apertura a Brusio, la sanda zieva ils 12. avrigl füs eir cuel da Puschlev. Scha qualchün vess interess da piglier part, s'annunzcher tar Marco.

### Matchcup, Maestraunza decentraliseda

Interessents dessan per plaschair s'annunzcher zieva la radunaunza tar Marco.

### Tir champester

Quel ho lö quist an a Samedan.

### Tir obligatoric

Il glistess ram scu l'an passo, per ils maistertregants füs bun guarder nossa pagina d' internet Peider ho chargio gio ün film fitch bun e que muossa scu chi füs da fer.

### Match Puntraschina - Engiadina

In mardi ils 12 avuost ho lö nos tir e la tschaina cumünaivla cun Puntraschina, quist an a Zuoz.

### **Match d'amicizcha Engiadina – S-chanf**

Scu l'an passo vulessans fer darcho ün pitschen evenimaint insembel cun S-chanf. Quel ho lö in venderdi 8 avuost, cun üna tschaina cumünaivla zieva il trer.

### **Feldstich**

Quel cuosta scu l' an passo Fr. 19.-, pero as po trer cun quel import duos voutas il püt. Il resultat pü ot quinta.

### **Secziun**

Per gnir rangos dru vessans darcho 14 tregants! i füss bel scha uschè bgers commembers licenzchos scu pussibel pudessan trer quist tir.

### **Match Circuitel (Bezirksmatch)**

Que do la pussibilted da trer tuot in vainter (Liegendmatch) o in vainter ed in schnuoglias (2-Stellungs-Match).

Ils tregants chi l' haun trat eir l'an passo til chattan aint in la mappa cotschna da tir, scha oters sun interessos, as dessan annunzcher tar Mario.

### **Cuors da giuvens tregants**

Il cuors ho eir quist an lö a Zuoz e vegn mno tres dad Ernst Parli.

### **Tir dal Chalavaina**

Quist an vulessans ir al tir our a Müstair.

### **Tir chantunel Schaffusa**

L'hotel es fingia reservo, ün program dadourvart il trer vain eir auncha organiso.

Annunzcho as haun: Peter Plebani, Bruno Brasi, Peider Gotsch, Martina Stübi, Remo Casty, Mario Feuerstein, Marco Crameri, Marina Hosang, Daniel Steger, Gian Carlo Rüegg, Gian Peider Lony, Gian Luca Palmisano e Jürg Sprecher.

### **Pardunaunza**

La Pardunaunza ho lö ils 19 lügl.

## **8. Tschernas**

Tenor mias informaziuns tuots quels chi haun üna carica tegnan chüra dad ella e nu vöglian der no.

## **9. Undrentscha**

Remo Casty clappa la 4. Maestraunza champestra.

## 11. Varia

### **Mneder dal restorant**

Fadri Raschèr nun as ho mis a dispusiziun da mner quist an il restorant da nossa chamanna da tir, per il motiv cha nus vains pretais eir otras mangiativas e na adüna poms fritos.

Scha ün da vus cugnuoscha qualchün chi ves interess da mner il restaurant des fer a savair.

Grazcha fich a Fadri per sieu lavur ils ultims ans.

### **Implaunt da tir a S-chanf**

Nus nun vains neir quist an ingünas novited.

La radunaunza vegn sareda a las 20.45 h.